

新嘉坡

72298

:13

2018.169

38

2013

卷之十四

歷官志 全

計五十四頁



仁壽縣志卷十四

歷官志

前代職官 國朝知縣 教官 典史 汛弁

前代職官

魏陵州刺史裴果

聞喜人由龍州轉陵州刺史

周陵州刺史侯莫陳凱

武川人保定三年陵州刺史

薛道衡

汾陰人從擊王

謙攝陵州刺史

隋陵州刺史田宏

長安人

陵州刺史楊文思

華陰人

唐陵州刺史李高遷

岐山人陵州刺史

韋津

京兆人

唐瑊

晉陽人

楊

務廉

神龍初左授

韋漸

京兆人

李士郁

宗室

于光遠

高陵人志甯孫

崔嗣

仁壽縣志

卷十四

歷官志

興

童

清河人任鵬

渭南人陳聞

李鎔

隴西人

李正卿 蕭銑 周遇 樊

舊唐書裴寂劉文靜傳興本安陸人積戰功累封營

國公貞觀六年陵州獠反興率兵討之拜左驍衛將

軍

唐陵州刺史路某

杜甫送陵州路使君赴

一作

任詩王室比

一作

多難

高官皆武臣幽燕通使者岳牧用詞人國待賢良急

君當拔擢新佩刀成氣象行蓋出風塵戰伐乾坤破



瘡痍府庫貧眾寮宐潔白萬一作物役但平均霄漢瞻

佳士一作家事泥塗任此身秋天正搖落迴首大江濱

唐陵州別駕陳嘉聞父

唐仁壽縣令孟神爽揚州人高宗時仁壽令

唐貴平縣令王覺

唐永徽四年分貴平縣籍縣

唐籍縣令陳充

新唐書地理志陵州籍縣東五里有漢陽堰武德初引漢水溉田二百頃後廢文明元年陳充復置

仁壽縣志 卷十四 歷官志

唐始建縣令李同

隋大業五年改始建鎮為縣尋廢未知唐何時復置

前蜀陵州刺史王暉

後唐陵州刺史陳貴民

後蜀陵州刺史歐陽炯

十國春秋歐陽炯華陽人後蜀廣政十二年翰林學士明年遷禮部尙書領陵州刺史

宋陵州刺史張旦

宋史本傳趙州人淳化中知陵州時李順搆亂賊黨



數萬攻陵州州兵不滿三百無城壘旦修完戰具置鹿角砦驅市人進戰大敗之殺五千餘人獲器械萬計詔書褒之特遷水部員外郎

宋陵州刺史文同

宋史本傳字與可梓州梓潼人漢文翁之後以學名世操韻高潔又善畫竹四方人之持縑素請者足相躡於門同厭之投縑於地罵曰吾將以爲韞好事者傳之以爲口實初舉進士稍遷太常博士集賢校理知陵州又知洋州 書史會要與可世稱石室先生

仁壽縣志

卷十四

歷官志

三

又自號笑笑先生錦江道人知陵州洋州湖州方口秀眉操韻高潔善隸篆行草飛白又善畫竹其筆法槎牙勁削如作枯木怪石時自有一種風味 通志與可梓州鹽亭人宋元豐中知陵州奏革鹽井之弊邑蒙其利名山谷蹟題咏最多 原纂熙甯中以太常博士知陵州州廡徙倚於培塿之間士風習龐守長至者或鄙易之公訪民疾苦廉得城中群小常以夕時凌轢居民居者暮卽闔戶不敢出乃率以事收致庭峻繩之且戒毋復亂吾治是後郡民慶弔相往



來雖篝火宵行無復擾者上元嬉遊野扶老携稚趨  
城市數夕宴然父老相慶曰不圖吾鄉今日安居行  
樂近比都會也貴平男子依假靈慧以鬼道惑人遠  
近走集爭投貨財將大侈叢祠公聞之乃移尉捕其  
首黥而徒之餘置不問以其材新甲仗庫嘗使諭尉  
曰西山之隈居者數家有盜匿焉亟捕之尉果擒盜  
鄉人神之官至湖州太守興利除害不避權勢文彥  
博奇之曰襟懷灑落如晴雲秋月塵埃不到與蘇軾  
交稱最善著有丹淵集 睡起詩寥寥公館靜門掩

仁壽縣志

卷十四

歷官志

四

似山家竹簟屢移枕石盤頻浸花閑多新得策事少  
早休衙一覺高春睡誰來伴試茶 北郭詩繞樹垂  
蘿蔭曲隄暖煙深處亂禽啼何人來此共攜酒可惜  
拒霜花一谿 野逕詩山圍饒秋色林亭近晚晴禽  
蟲依月令藥草帶人名排石鋪衣坐看雲緩帶行官  
閒惟此樂與世欲無營 可笑口號七章詩可笑庭  
前小兒女栽盆貯水種浮萍不知何處閒人說一夜  
一根生七莖 又可笑陵陽太守家閒無一事只栽花  
已開漸落芽纔發長作亭中五色霞 又可笑此公何



太惑讀書寫字到三更也知學得終無用自肯辛勤  
學後生又可笑生平事迂濶向人不肯強云云到頭  
官職難遷轉一似城南蕭次君又可笑爲官太微幸  
養愚藏拙在深山君看處置繁難者日夜經營心不  
閑又可笑兒孫亦滿眼朝朝庭下立參差謂言飽讀  
詩書去憔悴如翁亦好爲又可笑山州爲刺史寂寥  
都不似州城若無書籍兼圖畫便不教人白髮生  
山城秋日野望感事書懷呈吳龍圖詩已是秋陰更  
夕曛亂山高下起寒雲危樓願見客何處遠笛不知

仁壽縣志

卷十四

歷官志

五

人厭聞身外流年波渺渺眼前生事葉紛紛此愁萬  
斛誰量得直爲重捻庾信文送通判喻郎中詩可  
笑山州爲刺史寥寥都不似州城若無書史兼圖畫  
便欲教人白髮生又近日簿書全簡少吏人惟聽兩  
衙休歸來便只尋冠履遠遍林亭山上頭東坡畫  
記余嘗論畫以爲人禽宮室器用皆有常形至於山  
石竹木水波煙雲雖無常形而有常理常形之失人  
皆知之常理之不當雖曉畫者有不知故凡可以欺  
世而取名者必託於無常形者也雖然常形之失止



於所失而不能竝其全若常理之不當則舉廢之矣  
以其形之無常是以其理不可不謹也世之工人或  
能曲盡其形而至於其理非逸才不能辨與可之於  
竹石枯木真可謂得其理者矣如是而生如是而死  
如是而孳拳瘠蹙如是而條達遂茂根莖節葉牙角  
脈縷千變萬化未始相襲而各當其處合於天造厭  
於人意蓋達士之所遇也與可嘗畫兩叢竹於淨因  
之方丈其後出守陵陽而西也余與之偕別長老道  
臻師又畫兩竹稍一枯木於其東齋臻方治四壁於

法堂而請與可既許之矣故余特爲記之必有明於  
理而深觀之者然後知言之不妄元豐三年端陽月  
八日於淨因方丈書 虞集題柯敬仲畫序予先世  
居隆州州治之後山石室翁守郡時隆爲陵州州事  
簡時來就吾家拾故紙背作茅蘭竹木之屬所得頗  
多吾幼時嘗收得數紙今亦亡之丹邱生用文法作  
竹木而坡石過之近又以新意作墨花甚妙從子悅  
有眉山學官之行邱爲作此予愛而賦之曰昔者與  
可守陵州守居北山吾故邱太守時來看山雨每畫



紙背成滄洲老蒲松煙色過重揮霍陰巖交劍矛百  
年離亂亡故物做篋江南誰復收新圖篋管枝葉修  
使我不樂思昔侯碧雞祠前杜鵑叫玉女井上叢篁  
幽棠梨樹高青子路碧花翠蔓榮牽牛楊雄無家不  
歸老蠨蛸蟋蟀寒相求丹邱先生東坡客何以見我  
空山秋蕭條破墨作清潤殘質刊落精英畱陂陁重  
複分細草山石榮紆生亂流眉山學官莫厭冷言歸  
故鄉非遠遊石田茅屋儻可得萬里欲上東吳舟百  
花潭深濯新錦持報以此珊瑚鉤

仁壽縣志

卷十四

歷官志

七

宋隆州刺史爾朱紱袁桂

朝野雜記袁桂宋淳熙末新知隆州吳曦叛蜀不赴  
新任武興之變立節士二十人桂其一也

宋隆州刺史宇文紹節

宋史宇文紹節字挺臣廣都人朝野雜記宇文挺

臣知隆州袁起巖薦之詔俟秩滿赴行在奏事

宋陵州刺史樂史何耆仲

宋陵州團練使張玉

保定人熙  
甯中降

蔡挺

宋城人由  
進士第任

周美

一統志周美回樂人慶曆中爲陵州團練使城清水



等十一砦每邊書至諸將各擇便利獨美未嘗辭難  
然所向輒克諸將以此服之

宋仙井監使任元吉

文獻通考乾德五年知陵井監請鑿五井煮鹽是歲  
得鹽八十萬斤擢元吉永清令是後浸增其數

宋仙井監使李中

通志丹稜人知仙井監事有政聲累遷朝奉大夫

眉州志中唐宗室曹王皋之後以進士知仙井子燾  
燾孫謙屋至塾壁壘並名士

仁壽縣志

卷十四

歷官志

八

宋仙井監使楊紹

通志紹聖間知陵州監以居民缺水引郡之小龍泉  
以資民汲號普惠井民利用焉

宋仙井監使馬金章

熙甯五年廢州爲陵井監宣和四年又改爲仙井監  
監卽知州又有通判推官錄事僉判司理參軍等官

宋陵州通判賈炎

賈炎宋建隆中通判陵州初陵州鹽井深五十餘丈  
鑿石而入其井上土下石石之上凡二十餘丈以槩



樹木四面鎖壘用障其土土下卽鹽脈白石而出僞蜀置監歲煉八十萬斤顯德中一白龍自井隨霹靂而出村旁一老父泣曰井龍已去鹹泉將竭吾蜀亦將衰矣乃孟昶卽國之二十三年也自茲石脈淤塞毒煙上蒸以絙緹煉匠下視緹者皆死不復開浚民食大饑太祖卽位除賈炎贊善大夫通判陵州專幹浚井炎至井齋戒虔禱引鋪徒數百人祝其井曰聖主臨御深念遠民井果有靈隨浚而通再拜而入役徒憚不肯下炎抱鋪先之數旬始見泉眼初煉數百

仁壽縣志

卷十四

歷官志

九

斤日稍增數千斤郡人繪炎像祀於井旁

宋陵州通判孔宗翰

宋史孔子四十六代孫登進士第通判陵州

宋隆州推官楊佐

楊佐宋陵州推官州有鹽井深五十餘丈歲久幹朽敗欲易之而陰氣騰上入者輒死惟天有雨則氣下降稍能施工佐教工人以木盤貼水穴竅灑之如雨然於是井幹一新利復其舊

宋隆州推官文太虛李夔



李蔡字清叔晉原人慶元進士爲判官歷官大府少卿

宋隆州錄事于震孫

通志于震孫字長卿犍爲人以詞賦第一宋調隆州錄事叅軍知廣都人遵其教令一境大治累官朝奉大夫

宋隆州僉判賈仲武

宋隆州叅軍戶思貞

通志戶思貞隆州叅軍屬邑豪蒲氏驚肆不法州檄

仁壽縣志

卷十四

歷官志

十

思貞按之摘其奸贓萬計卒論死部人稱慶刻石頌美

宋隆州司理叅軍梁梓

朝野雜記淳熙末隆州司理叅軍因吳曦叛蜀梓係見任去官武興之變立節士二十人梓其一也

宋隆州教授楊汾

楊汾字濟道青城人隆州教授趙德老彥逾爲帥京仲遠鏗當國薦之召去

宋隆州教授譙仲武



蒲江人嘉定四年進士以迪功郎雙流縣尉陞從事  
郎調隆州教授

宋仁壽縣令趙彥諒

趙彥諒紹定間知縣事以德化民不尚威法再期而  
民孚繪像于霄漢堂以祀之

宋仁壽縣令宋辰李惟正

宋仁壽主簿潘夙

宋史鄭玉美從孫天聖中上書論時政授仁壽主簿

元隆州同知王嗣宗

仁壽縣志

卷十四

歷官志

十一

王嗣宗合州人元至正中任隆州同知時寇盜搶攘  
捕其豪强者置之法因而撫輯之民以安堵

元仁壽教官劉湛

一統志江西人爲仁壽教官明玉珍入蜀棄官隱瀘

州

明知縣王琚

永樂中武功貢生

錢世資

雲南府人正德十五年

袁信

涇陽人正

德進士龍登瀛

嘉靖中任

毛沂

毛沂雲南人明嘉靖三十二年知縣事慨然念何虞

二丞相爲邑顯人墓門荒蕪不治乃詳請御史喻公



爲修墓封樹乞南充太史任瀚爲碑記立於墓左今  
豐碑猶存也

明知縣范時用

嘉靖十八年己亥任

黃思敬

嘉靖三十二年任

傅楫韓立

韓立貴州宣慰司舉人明嘉靖中知縣事嚴介有法

積猾屏跡

明知縣温如玉周大繡

周大繡明萬厯中任以培植學校爲己任捐俸建書

院一區延師教訓其中而已亦時親訓導顏之曰六

愚社言學之足以破愚也社學生梁可繼廖道充羅

仁壽縣志

卷十四

歷官志

十三

元德周仲士梁可述劉世綸六人先後相繼登賢書

時以爲六愚之兆

明知縣文獻陳用錦李曰輔魏良佐龔朝典龍光王用

汲

漢州舉人

李承泰

萬厯癸卯年任

梁秉禮

萬厯己卯年任

翟文簡

奉新人天啟元年

年

李廷弼

元和貢生天啟間任

喻上獻

石首進士崇禎中任

王舉李心嚴

昆明

舉人崇禎間任

唐鳳翥

唐鳳翥字一明一字威赤江南宿松人崇禎辛未進

士由浙江之嘉興調補邑令清操有德政士民懷服

禦侮危疆與賊戰至吮血裹瘡不言其瘁卒戰死



明知縣廖司南

湖廣舉人

劉三策

通志劉三策江西饒州舉人崇禎十三年知縣事時流賊竄境多方守禦每對紳士曰事勢危迫之際不動心三字是吾本領也城陷被執罵賊死之贈尚寶司丞 明史崇禎十三年賊犯仁壽縣知縣鄱陽劉三策拒守城陷不屈死 灑灑記張獻忠犯重慶宮保楊嗣昌督諸將重兵分路固守賊偵知有備別自蓬溪入川南分賊部爲三路因陷仁壽知縣劉三策死之時崇禎辛巳十一月也

仁壽縣志

卷十四

歷官志

三

明知縣顧純詒

明史崇禎十七年張獻忠再入蜀徇仁壽城知縣顧純詒遇害 原纂顧純詒長洲人崇禎庚午舉人十七年知縣事張逆破成都不屈死天下既定其女廷琦徒步入蜀扶櫬歸 鄭承祝詩聞道仁壽山爲城阿爺奉檄理民情路隔三千無眷幕一琴一鶴一書生乍見蒼頭由蜀反備言張逆擅稱兵成都城陷阿爺死剖腹剜心表至誠阿孃號天計無出阿爺無兒錡無兄廷錡含淚溫語訴願去隆州把喪迎阿叔呼



童僕三人同西征朝辭阿孃側暮宿黃沙營不聞阿  
娘喚廷錡但聞門外杜鵑鳴不聞阿爺呼季女但聞  
錦水助哀聲歷盡羊腸九折坂崎嶇險窄總不平王  
尊不過廷錡過王陽先行錡後行行至山城心更慘  
訟庭胥室盡榛荆叫聲阿爺爺不應扶起爺櫬血淚  
橫回頭却顧所來路關山冷月送歸程玉骨長埋先  
人兆死也哀兮生更榮往返六千貞孝女方不昧賢  
令尹之神明遙知千尺長洲水不及廷錡澈底清

明知縣鍾春化貴州貢生禹祥

仁壽縣志 卷十四 歷官志

西

氏族箋釋禹祥知縣事治民事神處已待物惟以不  
欺為主官清約如寒士

明仙泉鹽大使黃蘭書前光祿寺珍秦拱北坊解元

明主簿王錫隴右人坊謝昊劉用光祿坊楊廷臣秦公碑毛鳳

儀解元坊易邦謨張夢媿極樂菴記熊瑞文廷璋儲英坊熊應潮

崇禎達萊閣坊平衡張國衡黃門坊童士誼不詳年代見瀘安志

明教諭池本理有傳

池本理縣學教諭通陰陽五行之術於遁甲禽星精  
心解析俱有條理



明教諭楊璠

進士坊

楊繼德

光祿坊

王世卿朱鳳鳴

解元坊

趙

世清石國寶金作紱

極樂菴記

黃經邑楊絢短必勝

儲英坊

張

致和

明訓導魯鈍

進士坊

馬休乾

光祿坊

傅誨

秦公碑

李一新

解元坊

秦賓但一善

貞節坊

鄧隆

貞節坊

歐鉞黃正色吳九順

三慧石坊

明典史趙福聚

進士坊

程顯明

光祿坊

劉靖夏

秦公碑

徐詔

解元坊

坊陳應明

貞節坊

孫仲

儲英坊

沈宗憲

黃門坊

仁壽縣志

卷十四

歷官志

五



歷官志

國朝知縣

雍正元年

上諭朕惟國家首重吏治爾州牧縣令乃親民之官吏治之始基也貢賦獄訟爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛爲先務周察部屋綏輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其仁壽縣志

卷十四

歷官志

夫

棟梁也司道其垣墉也州縣其基趾也書云民惟邦本本固邦甯夫所以固邦本者在吏治而吏治之本在州縣苟州縣之品行不端猶基不立則室不固庸有濟乎哉

皇考臨御六十一年灼知州縣之重特行引見咨詢明試至詳至慎其有廉能之員每不次超擢以示鼓勵今海內羣黎皆

皇考所懷保也朕膺

宗社重寄思纘



皇考之治功惟爾州縣諸臣俱有父母斯民之責其爲朕立之基趾以固邦本焉誠能潔己奉公實心盡職一州一縣之中興仁興讓教孝教忠物阜民安形清訟簡朕將升之朝中以作股肱如或罔念民瘼恣意貪婪或朘削肥家或濫刑逞虐或借刻以爲清或恃才而多事或諂媚上司以貪位或任縱胥吏以擾民或徇私逞欲以上虧國帑王章具在豈爾貸歟更有任州縣時私肥己橐而漫云且俟顯要方正名節者其與初市清名晚而改操之人何以異哉至於錢糧關繫尤重絲毫顆粒皆仁壽縣志

卷十四

歷官志

七

百姓之脂膏增一分則民受一分之累減一分則民沾一分之澤前有請暫加火耗抵補虧空帑項者

皇考示諭在廷不允其請爾諸臣具聞之矣今州縣火耗任意加增視爲成例民何以堪乎嗣後斷宜禁之或被上司察劾或被科道糾察必從重治罪決不寬貸夫欲清虧空之源莫如節儉正直節儉則用無不足正直則上官不可干以私若朘小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪共乃職勿貽罪戾毋謂地遠官



卑朕不及察其賢否也特諭

雍正八年

上諭牧令爲親民之官一人之賢否關係萬姓之休戚故自古以來慎重其選而朕之廣攬旁求訓勉告誡冀其奏循良之績以惠我蒸黎者亦備極苦心矣惟是地方事務皆發端於州縣頭緒紛繁情僞百出而膺斯任者類皆初登仕籍之人未練習於平時而欲措施於一旦無怪乎徬徨瞻顧心志茫然卽採訪咨詢而告之者未必其盡言無隱此古人所以有學製美錦之歎也向以

仁壽縣志

卷十四

歷官志

六

大學士朱軾左都御史沈近思外任多年周知地方利弊雍正二年曾令二臣商著規則以爲州縣之南車乃書未就緒而沈近思物故邇年以來朱軾復時多病此事遂至遲延去年始降旨委諸總督田文鏡李衛今二臣各抒所見繕錄諸條以進朕親加披覽見其條理詳明言詞剴切民情吏習罔不兼該大綱細目莫不備舉誠新進之津梁庶官之模範也在二臣各就其所閱歷者而言繁簡同異之間不必一致而慎守官方勤恤民隱興利除害易俗移風其大旨則一而已矣爰就本文



付之剗劂頒諸州縣官各一帙俾置之几案間朝夕觀覽省察提撕治效未臻必思所以勉之弊端未革必思所以去之本之以實力毋始勤而終怠毋靜言而庸違如此則不但國家得司牧之賢草野有父母之頌而爾等身膺顯擢叨被榮光福貽子孫名標史冊豈不美歟  
特諭

乾隆二年

上諭天下親民之官莫如州縣州縣之事莫切於勤察民生而務教養之實政夫所謂知州知縣者欲其周知一

仁壽縣志

卷十四

歷官志

九

州一縣之庶務悉心經理四境卽其一家精神必須貫注有事則在署辦理無事則巡歷鄉村所至之處詢民疾苦課民農桑宣布教化崇本抑末善良者加以獎勵頑梗者予以戒懲遇有爭鬪細事就地剖斷以省差拘守候之苦烟戶牌甲隨便抽查使不敢玩法容隱鄉愚無知則面加開導庶幾上下之情通達無阻而休戚相關親愛之誠油然而生而提撕易入如此從容歲月始可收循良之實效不愧爲民父母之稱乃今之州縣有司祇以簿書爲事平日安坐衙署除相驗人命因公踏



勘外足跡不至鄉間以故鄉民非有事匍匐公庭目不  
覩官長之面耳不聞官長之訓無論窮簷疾苦未能周  
知卽四境情形亦茫然莫曉胥役約保等蒙蔽之弊因  
之以起顧名思義親民之謂何而情誼睽隔如此也凡  
州縣所管地方大率不過百餘里最廣者二三百里周  
遍巡歷爲時亦不甚多卽事繁之處亦未必朝朝聽訟  
日日比糧果能精勤勿怠斷不至於經理無暇遂置閭  
閻於膜外也至於農田之事尤爲養民之要務春耕秋  
斂之時各宜下鄉察其勤惰稽其豐歉倘有應先事圖

仁壽縣志

卷十四

歷官志

三

維臨時酌辦者悉心計議申詳上司定議舉行但往來  
鄉村必須輕騎減從絲毫不擾里民方爲有益若失於  
覺察以致書吏鄉保及跟隨人役等借端生事擾累百  
姓則較之耽逸偷安端居不出者其過爲更大朕必加  
以嚴譴著各省督撫遵朕旨董率有司實力奉行務使  
官民上下情意流通爲一體以副朕教養斯民之至意  
特諭

御製道德齊禮聖王垂教之本意也齊之以刑聖王不得  
已之苦心也代天子民者君也爲人君止於仁止之義



蓋言一切用人行政除暴去殘皆仁心所流露也君爲眾父億兆皆吾赤子豈不欲其生而必欲置之絕地哉誠以良莠不同干名背義作奸犯科之徒非刑不能齊之耳而用刑之大旨不外乎明慎明者知其事之原委察其情之眞僞兩造既備虛衷聽斷如日之光不遺幽暗犯法者甘心認罪受害者了無嗔怨此明之功效也慎者胞與爲懷豈可任其殘賊哀矜勿喜一死不能復生一字無虛始可定案片言不實勿厭重推總欲吾心毫無疑竇則情眞法協如衡之平焉有輕重倒置此慎

之功效也我朝立法至爲詳備凡一罪囚必經數覆勘始定爰書在官者皆得預議至於情實重犯尙候勾到有一綫可寬者改入可緩視前代設鎮撫司習用非刑草菅人命者眞天淵之隔矣人心日流日下犯法者多案牘紛繁詐僞百出問刑有司憚於聽訟漸至潦草隨意不能虛中延納反覆推求遂令奸詭者漏網懦弱者罹罪健訟者逞刁覆盆者難雪皆不能明慎之所致也朝審爲恤刑大典誠兼聽並觀盡美盡善之良法在京則大學士九卿科道在直省則督撫藩臬司道公同會



議雖古之明目達聰何以踰此哉奈奉行已久視爲泛常旅進旅退無聲無臭靦顏謂毫無冤抑罪當情真間有一二敢言之臣以從緩改實加重辦理爲認真益增秋肅之氣反失春生之旨所謂北轅適越相去益遠矣夫明生於公公則無私無私始能明慎由於勤勤則不怠不怠始能慎嗚呼凡百有位皆以明慎爲用公勤爲體庶幾辟以止辟以馴至於刑期無刑鼓太和之元氣臻斯世於大同遇可言之時行有爲之績予一人實有厚望焉

仁壽縣志

卷十四

憲官志

三

御製天道好生原不能專以春溫而成歲必有秋收以濟之得情勿喜原屬不得已之苦心若鍛鍊羅織斯流爲殘忍暴戾相去愈遠矣世道人心變幻詐僞竟有出於律例之外者必求一至當不易務使生者無憾死者釋冤兩得其平唯視其自取勿以己意重輕曲直自在應念一死不能復生可不慎乎刑期無刑辟以止辟保全良善翦除邪慝誠仁者之用心也弼教化正風俗皆從慎刑始所繫豈淺鮮哉酷吏從欲亂法以濟其貪王法所必誅由於大不慎也亦有惑於積陰功之見妄談救



生不救死之論是誠見牛未見羊矣被害之人呼號悽慘反不加憐憫轉惜頑梗之凶徒是欲積陰功殊不知大損陰功亦不慎之所致也慎之一字爲用刑之大綱豈可玩視人命逞一時之喜怒以致寬嚴失當則民無所措手足冤抑不得伸矣從嚴固宜慎從寬亦宜慎也生者雖可矜死者尤可憫也刑罰不中上干天和水旱災荒皆由此起可不慎歟近日細閱各省招冊殫心竭慮唯求一是勉於慎刑愛惜民命曷敢稍有忽略乎故著此論以示法司我君臣同折衷於慎庶幾獄訟淺鮮

仁壽縣志

卷十四

歷官志

三

所保全者眾矣

葉學元

順昌貢生順治十八年任

王配京

康熙三年任

李世綦

遼東蔭生康熙四年

任

唐纘新

全州舉人康熙六年任

羅立

臨川舉人康熙十年任

徐希聖

大興監生

康熙十年任

裴雲錦

高陵貢生康熙二十三年任

宋汝爲

河安監生康熙二十九年任

秦國輔

正黃旗監生康熙三十三年任

朱錦

正白旗人康熙四十一年任

王維翰

江都

廩生康熙四十五年任

朱文璜

浙江監生康熙四十七年任

賀方來

秀水進士康熙四十年

九年任

蔡玉禎

長洲舉人康熙五十四年任

趙嗣美

滿城拔貢康熙五十六年任

培仁

正藍旗副榜雍正二年任

葉新

浙江金華舉人雍正七年任

姚令儀注葉新初試吏事於蜀大憲奇其才檄權華



陽繁劇裕如乃任仁壽受訟日當堂收八百餘紙卽批覽細故片言而解無情者杖笞之不終日判三之二諭明晨再集輒遁去兩月刑清無健訟者薦知瀘州陞成都府丁歸服滿補江西建昌贛郡咸以才能著疑難案輒委讞爲文閎整明達好陸宣公奏議左氏傳著有良堂詩文集四卷

馬殿颺

杞縣舉人雍正十一年任

沈震世

蕭山舉人乾隆三年任

魏根史錦張

蒲天李璉

湘潭舉人乾隆十六年任

王爾鑑俞爾昌

華亭進士乾隆二十六年任

姚令儀注俞爾昌號麟含居官愛人爲本不煇煇熱

仁壽縣志

卷十四

歷官志

十四

惟飲以和邑諸生學不振爾昌買飛泉山前隙地拓爲鰲峰書院集生徒講讀其中院後松柏蔚然皆爾昌手植乾隆二十五年彭山縣令張鳳翼移勘古佛洞堰爾昌曰吾素心也自是往來江畔督工或勸少息爾昌曰有如此水利民不急成耶旋積勞病乞休未及歸卒 游文璿祭以文追維我公神明之治行以三無致以五至勤政六年旣美且備爲神所依廟修城隍於時登對躋躋皇皇悅神阜民福祿而康渠曰古佛錦江大澤鑿山引水連阡累陌割俸濟民功



垂典籍壬午之秋叅校蜀關玉尺水鑑搜羅珠璣無  
言花下桃李爭飛退而訓士益樂品藻講道談文凜  
若師保憐茲英俊宜加陶鎔迺修書院冠名鼇峰溪  
山盤曲先賢遺蹤規模式廓百代勳庸凡此士庶猶  
子比兒匪惟養之又戢安之匪惟教之又獎勵之萬  
物熙熙懷而慕思胡天不弔玉館下詔孔杖逍遙文  
星失耀嗚呼已矣靈其將徒回首華亭返魂千里沐  
公之德山高水長望公之神瀛島帝卿旁皇稽首奠  
我霞觴

仁壽縣志

卷十四

歷官志

三

張任佐

湖北漢陽人捐納縣丞乾隆三十一年署

姚思廉

浙江錢塘貢生捐知縣乾隆三十二年

楊夢槎

江蘇金匱舉人乾隆三十三年署

姚令儀注楊夢槎署縣有惠聲金川不靖夢槎以鄆  
都縣知縣檄司昔嶺礮局木果木之變賊蜂聚來劫  
局夢槎被縛不屈死之或謂夢槎給賊築礮多實子  
藥礮反坐轟殺賊數十人賊恨之被磔死 姚德椿  
詞侷儻才華都雅風規縮銅章最繫民思岩龔昔嶺  
礮局攸司歎四山圍一軍潰隻身危瀝血披肝吐氣  
揚眉轟然飛礮賊魂馳縱教齎磔甘也如飴信謀甚



神死甚烈事甚奇

韓萊曾

江蘇長洲舉人乾隆三十四年署

褚端北

江蘇長洲進士乾隆三十五年署

毓玟

順天大興舉人乾隆三十五年任

裘縉

江西新建舉人乾隆三十六年署

河南羅山拔貢乾隆三十七年署

朱琦

山東歷城舉人乾隆三十八年署

徐宗仁

江蘇金山

舉人乾隆四十年署

賽尙阿

正黃旗人乾隆四十二年署

唐仕謨

江蘇江都貢生捐鹽

大使乾隆四十二年署

蔣大光

安徽歙縣貢生捐納知縣乾隆四十二年任

倪鼎銓

江西

金匱舉人乾隆四十六年任

劉璐

山西汾陽副榜捐知縣乾隆四十七年署

胡廷璋

山東海陽

人捐縣丞乾隆四十八年署

魏之琳

湖北江夏優貢捐納府經歷乾隆五十年署

陳寶鼎

江西吉水人捐府經歷乾隆五十二年署

王雲程

山西臨晉縣進士乾隆五十二年任

仁壽縣志

卷十四

歷官志

三

舊志王雲程任縣事持已簡重不尚煩文折獄嚴明

刻無甯晷既斷者無翻控受責者無怨辭調巴縣士

民塞道而送皆流涕

黃其榮

廣東陽春拔貢乾隆五十三年署

趙立中

江蘇丹徒舉人乾隆五十四年署

令儀

江蘇婁縣拔貢乾隆五十四年任

姚令儀號一如乾隆己酉歲知縣事縣無志令儀剋

為藁本越明年奉調江南去後陞任觀察其志藁分

三部一土地部星野建置疆域形勝山川塘堰橋梁

城池公署古蹟風俗土產是也二人民部官師選舉



名宦人物列女方外是也三政事部學校壇廟名墓  
義塚戶賦倉儲蠲郵營制舖遞是也皆有序說藁中  
徵引郡書極富或出卷案採訪民間極有功爲後來  
志張本

嚴士鋐

江蘇丹徒拔貢乾隆五十五年署

徐慶昭

湖北蒲圻舉人乾隆五十六年任

沈

達

江蘇江陰舉人嘉慶元年署

丁映奎

貴州開泰進士嘉慶四年署

李勗

山東濱州副榜

嘉慶五年署

李元

湖北京山人嘉慶六年署

李元號太初嘉慶六年知縣事下車頒通俗八戒於  
民將先教化後刑政時姦民出入崇巘間微尙嚴治

仁壽縣志

卷十四

歷官志

三

於馴良則禮讓導之縣多積案方兩月爲清理且勸  
且懲民向化而署無事日以閑取姚令儀志彙刻謬  
拾遺於孫葆光韓待制喻捫膝三先輩詩詞及何虞  
二丞相功業徵引都盡更清釐何虞二丞相基地建  
祠於 聖廟旁他名賢故蹟豎碑道左其爲志如孝  
友端方囹圄爲公家言者不錄品望行誼非蓋棺而  
論定者不徇又星象祥異寺觀概不書所謂勸善而  
懼淫不規規邑乘常例至是縣始有志書

汪天懷跋豔陽三嶠之勝槩嘗憑眺而咏歌焉何虞



二相之鴻勳嘗抗懷而景慕焉每悵邑居僻壤迹阻  
遊塵荃蘅失楚澤之香桑梓黯鄉閭之色則惟壯文  
瀾於邑乘灑墨瀋於圖經才有腐遷請泚筆而紀事  
詩得靈運願載酒而同遊蘇郡來蘇因咏汀泮之洞  
柳州有柳遂記鈇鉞之潭乃或簡略爲言空疎從事  
陳縹緲於架上宛若積薪索津液於行間竟同嚼蠟  
邑侯太初先生纂修之任著述之才先賢之碎璧零  
珠爬羅都盡本地之懸巖邃洞探躡無遺謂舊例而  
新裁出誌林之創體夫文人秉筆將顯微而闡幽賢  
仁壽縣志

卷十四

歷官志

三

宰出治欲興才而育德顧惟是因循往例草率成編  
云爾哉發潛德之幽光訪崇阿之風景何賢哲精英  
未沒抑山川奇氣因宣政教所資典章攸著庶後輩  
聞風興起天降瑞雲原好官到處鏤題山頽黝理傳  
以永世驗之斯文

李天培

貴州貴陽舉人  
嘉慶九年署

李罕

湖南湘鄉縣舉人  
嘉慶十一年署

趙秉瑤

江西南豐監生  
嘉慶十年由從九陞任

沈熾

雲南彌勒舉人  
嘉慶十四年署

劉銘常

河南祥符

進士嘉慶  
二十年署

黃牟供劉明府銘常薪米序夫陽春煦物寒黍忘吹



律之和時雨沾濡稿苗識抱甕之瘁南薰一曲廣厦  
萬間牛衣拒霜顧襜褕而心冷鳧葵果腹念甘脆而  
涎流矧長者之宅火炎尤冀冰壺濯魄公超之谷霧  
積相望佛日當頭者乎邑侯劉公由黃甲而銅章無  
緇塵而宦海烹小鮮函牛之鼎試頑石破山之鋒霹  
憲手舒菩薩心運班春欲遍守土無常故其波挹花  
溪鏡懸芝嶺玉屏金鳳春有腳而胎蘇龍蕩鴨池澤  
無涯而枯活察詳不刻刑用而平廣漢之鈎鉅焉施  
國僑之寬嚴以濟問牽絲之手誰扶傀儡登場庸被

仁壽縣志

卷十四

歷官志

三

髮之民能使鄉鄰解鬪由是亭棲烏而罔攫肉市有  
虎而莫噬人鶯燕成吟乙家則隸荆再茂鷹鷂不逐  
陳氏則母子如初蓋士民推慈惠之師而胥役服明  
察之長者也况乎治則有譜隨惟此琴官不愛錢武  
穆之言斯在公能寡欲劉寵之選何爲後朱邑而來  
自揚芳烈如孟嘗之至見望雲霓而未旣公之蘊也  
夫花滿河陽不若草生囹圄矣雉馴桑下強於鱣就  
網中矣公四境飲以醕醪三嶠得其芻牧悔以胥史  
學吟官閣之殘梅靦而隸徒知恤鴉巢之乳鷄人塊



坐乎路旁劍遺盜守斃業生乎犬足月滿村間布帛  
菽粟之恒牧樵絃歌之樂此則德意淪洽和氣薰蒸  
水火之治胥忘而星月之勞斯慰者哉今者衛公攝  
雨於龍母天瓢暫持濠叟分濕於波臣西江擬吸爲  
胡威之清可愛恐范丹之甑生塵奈何久庭際以懸  
魚弗承子弟但邑中而飲水罔躋公堂也於焉同竭  
管窺式申輿頌况心面於冰鐵解議績以雲天去速  
先憂仍籲上官而借寇來暮何恨且幸小人之依劉  
三字能當期月有化藉素屏之分紀若耶百錢庶青

仁壽縣志

卷十四

歷官志

三

史而附編鬱林片石

陸錫麒

廣西灌陽拔貢  
嘉慶二十年署

李譚

直隸鹽山舉人嘉  
慶二十一年任

金科豫

漢軍正黃旗人嘉  
慶二十二年署

吉恒

蒙古鑲白旗進士  
嘉慶二十三年任

新志吉恒號敬占嘉慶戊寅歲權邑篆爲人坦白有  
方略謹身居廉平爲治愛民如子不倚於嚴皆從令  
好爲良除莠令安有廉能聲後宰犍爲巴渝遷順慶  
成都太守陞蜀廉使調東粵藩 黃牟政序自夫絃  
歌式化輿頌載聲未有桑無附而不謠犬生斃而輟  
詠者也如我敬占明府石酒不亂有于定國之風升



米爲常得劉元明之譜蠶叢憂乎速去雞割嗟乎暮  
來惟歲星之次不常實卿雲之覆有福所慮棠蔭方  
茂而鈴調潛移則霖胡爲也時犢易留而郟舟難挽  
則歲徒望也明府小民之愛初攝篆符大府之知繼  
膺題補意者稍嫌繖笠已遂聲名而乃清慎有加精  
勤如故麝臍之濡益馥寶鏡之拭彌光而後福錫間  
閭歡誦爹母可得言矣往者官府侔乎債帥隸役等  
之錢神下車則奉獻有名傾篋則嘗試無算聚羣慝  
之力何難張羅應一官之求不須飲水詭謀旣售弊

竇斯開或傍衙而搯財或欺官而賣案貌爲恭順心  
則把持明府玉壺貯冰清無著翳金鑲若土棄不入  
懷蠅點壁而雪銷聲蟻潰堤而石遠迹又若豺有狗  
鼻羆生羆兒攘公之羶肝人之肉聽其糾結虎有翼  
而民奚堪縱之斧斤李代僵而法仍追斯謂盤根錯  
節非干莫之利不能施鬼猾神姦非明察之長不克  
去者也明府虛明不撓忠信有孚關防護而瓜牙不  
張眊聽周而面心幾革昔之牽絲撒網不其袖手繫  
船矣至如惜財者民心好訟者民俗牒甫投而私書



役案未審而花酒錢富罄祖遺之囊貧忘子倍之債  
宋鄭將戰犒士之金先陳晉楚已平同心之幣尙納  
甚也事不過鼠穿之細窻且遭狐假之威或教猱而  
緣桑濮爲詞或養蠹而操藥果求賂鐵索磨頸銀瑤  
駭心雞鷺競而擇肉餐其黨徒豺狼當而扼腕阻乎  
父母蓋自嘉慶乙丑以來祥符劉公篆茲民稍甦耳  
明府堂皇日坐誘民訟者有誅城市晚巡稽公案者  
無赦問方且擾票喚則嚴乎多差枉亦何干盜命而  
省乎眾証於是向之持票市裘馬者今僅獲斗升矣

向之涉訟經歲時者今不淹旬日矣樂均耶叟殃免  
仲魚不但籃輿適野紫陌勸農官行里巷之間民忘  
騎從之過已也乃至癘疫侵消晴雨禱應魯中牟之  
異耳劉江陵之偶然抑聞小鮮初烹煩擾則戒陽春  
旣布粉澤斯宜在昔華亭俞公京山李公並以政通  
人和修廢舉墜俞則創建講院膏火鼇峰李則續成  
志書圖經仙井中間晉絳王公亦然一時士知勸激  
民有觀感葢花封以內郁郁乎文口碑至今津津相  
道者也明府三嵎一稔康蒼赤於農桑息叫囂乎頑



獷亦既易移風俗饜餒人心則夫陶鑄藝林振興文  
運在今日矣馨香有祝頌禱無私何弗憑涓埃而贊  
高深借潤色而揚美盛也哉

杜繩芳

貴州清鎮舉人嘉慶二十五年署

彭鼎

河南夏邑舉人道光二年署

胡光瓚

湖南甯鄉舉人道光四年任

胡光瓚號竹塘道光四年知縣事以慈惠勝令民培  
堰築塘卽作育人材爲重士民戴之如眞父母縣書  
院在城內飛泉山前鄉學一處小試於署諸不便士  
子督憲戴令興鄉學公集議剏大小義學四十餘處

仁壽縣志

卷十四

歷官志

三

歲經費有差移書院東關外三里更鼇峰名曰卓英  
卽廢書院增爲考棚更置杏林庄作舉子公車北上  
費又設男養濟院於南關外皆捐廉俸先旋調峩邊  
判去之日爲立生祠留其像匾題胡考以甯在考棚  
李特客仁壽東胡竹塘明府壽詩訟簡民淳稱好官  
官閑坐破幾蒲團青山圍住公堂笑也把慈君當佛  
看又石欄環轉屋高低陳榻高懸老屋西夜夜歸眠  
皆中酒累人扶我上苔梯又譚禪說鬼動更闌日上  
紅牕睡轉安已愧猪肝來累尹又勞亭午備晨餐又



松濤竹雨滿山樓坐向蕭齋冷似秋半夜起看山月  
大開門披著老羊裘又日籬巉巖冒嶮巖攀蘿捫葛  
樂忘疲幕僚都學搜山賊笑煞當年謝客兒又雨晴  
山下氣冥濛樓殿參差夕照紅莽莽叢林煙火出萬  
家圍住綠雲中又棟花風起麥花香荷鋪扶犁四野  
忙明府試來亭上望窮簷疾苦費評章又苔碑蘚碣  
細摩抄檜老杉蒼掛薜蘿仁壽鏡中人影小月明招  
手望三峩又雲岫烟嵐六扇屏橫皴赭墨洒空青兼  
旬累煞將軍筆勻畫千縑手未停

仁壽縣志

卷十四

歷官志

三

張聘三

山東嶧縣監生

魯秉禮

江西新建進士

栗穗

廣西

臨桂進士

道

馬百齡

陝西咸甯人議敘府

劉端

順天大興監生

道光十年署

李峻聲

直隸東光縣人

馬百齡

道光十四年復任

馬百齡號夢九一號少籤道光十年知縣事旋奉調

他去十四年復任爲人倜儻有幹局民有訟隨到隨  
訊隨結書役再無敢搯索者好巡省鄉村有盜藪親  
提劍往捕緝皆遠竄鄉水淹路斃人就其地相驗主  
鄰具結當分派給書役飯食得無累或田鄰界不決  
卽踏勘因歷河堧得諸山水發源經流注入所在觀



舊志小不合又縣迄丁酉三十餘年無志於是延魏  
崧爲之凡志十四表二傳二曰新志亦欲令官斯土  
者覽其天文奚以協之覽其疆域奚以理之覽其堰  
渠溝澮奚以浚而瀦之覽其田賦戶口奚以庶而富  
之覽其倉儲祠祀奚以蓄而妥之覽其古蹟邱墓奚  
以護而守之覽其學校選舉奚以作而育之覽其人  
物藝文奚以風而示之又嘗欲東關外江壩修城鄉  
社倉大半就廢請移之城縣人難之議遂寢從此三  
鄉社倉廢者查封繳培在案以多  
凡若汪場供薪  
米序萬家生佛

仁壽縣志

卷十四

歷官志

三

百里諸侯好雨重來仁風又被悵黎元之辛苦牧尙  
牛羊勞父母之子慈報無犬馬官則如故民其罔知  
何論嬉遊飽煖之花開繁縣寂寞清廉之地草長  
訟庭者哉邑侯少錢先生以斬絲才爲製錦學兩世  
遊乎宦海一官宰以巴江初懸鏡乎虛堂恰如仁壽  
小用刀乎下邑便有弦歌報最期年騰歡億姓不禁  
棠陰且滿方殷憇召之思黍膏其重又疊勞郇之韻  
夫不別利於錯盤者紉也不來棲於棘枳者拘也往  
者好官不過得錢胥役咸能弄法城下有投羅之鳥  
似招使來鄉中何漏網之魚無越乃免我侯金相鐵  
而辣手婆心愛百姓皆善良恨三班如蝨賊非繭絲  
之法賓廚則冷不生烟塞苛派之門官閣而清都似  
水乃令下捐銀兩萬不日輸將而軍中派米三千有  
時優免縣無通事民胥樂生亦案牘之勞形聽則不  
留一案嘗鄰家有亡命駢而最便四鄰此則刑名之  
家循良之吏不止華陽斷獄審局以爲神明仙井權  
知連封曰眞父母者也先是琴堂響寂鐸路循停遑



稅斂與田疇社倉如廢由父兄和子弟義館為虛是以多士則刀筆之餘大盜有荏苒之夥亦既十奇殊政三善循聲延經師更延人師直將顏鑄考大學兼考小學齊入孔牆遊後生樂道之園復先輩與儒之社則又近追胡考遙媿俞公也已今則從戎而返仍此積留進秩有加昂乎驥展夫幸其來而嗟暮則惜之去而餘思况於今也而一出戴星猶是昔之無遺覆露既依劉乎四載再借寇以一年顧乃隨鶴蕭然懸魚自若飲則鄧攸之水選如劉寵之錢於是大家小家老者幼者或擔薪負米或為酒日羔相拜禱乎公堂可見赤心惠而無市有敷揚之史筆纔知黔首愚乃至公

趙一鶴 陝西鄠縣監生道 李世彬 道光十年署 彭煥 道光十年任

徐錫金 道光二十年署 沈玉墀 道光三十年任

縣令沈玉墀呈不輕准批回族鄰理說民以為日與

仁壽縣志 卷十四 歷官志 三

仁壽留了數十萬錢

年昌阿 道光三十年署

民謠自從馬去無良馬幸遇年來過好年皆嚴治盜

賊故也

李玉臺 道光二十年署 劉鈞貽 號蘭谷道光二十四年任 張錫慶 道光二十六年

署 李鈺 道光二十七年代理 恒泰 道光二十七年署 劉鈞貽 道光二十八年特調 吳

應連 道光二十九年署

吳應連號禹門江西南城舉人為老朴如鄉先生

每巡省鄉村見書館必入正句讀文藝於試士子嚴



而有禮初二三場不發榜提優異者一二十人堂號  
終場惠贈書籍對聯各優席待自末坐陪令乃郎行  
酒致敬力平治道路責該地主無力准其募捐計修  
石路不下萬千丈士民稱便未一年去咸豐四年補  
授彭縣知縣卒詳請入名宦祠

侯榮光

號星臺道光三十年任

史致康

道光三十年署

史致康號叔平宛平人舉人應覺羅官學教習任珙  
縣知縣調仁壽公暇行省鄉村僕從數人一錢不取  
廉得嫁婦指奸皆由壯役簸弄禁不差凡案不得卽

仁壽縣志

卷十四

歷官志

三

訊皆差藉票需索限之日時不貸舊隸卒籍官者一  
私籍者十民十其害散去亦無三兩盤鄉里者刀筆  
胥吏如之爲刊吏役善惡報示警衙弊一絕初下車  
訟牒千餘一一判之既某諸生訟於堂笑曰固望汝  
表率鄉間亦來此耶愚民則枷於其鄉媿厲之徐乃  
書院勤加考課並傳題各義學捐廉獎賞明年延聘  
斷於其能師者四十餘處無復薦求紛紛恰鄉試助  
二三場試卷於鄉行保甲法領以紳衿賢良所謂度鄉  
村爲伍保奸容問丁產於里鄰蠹無不剔嘗溇



暑日按數場手點萬戶縣保正三百六十餘人見則  
詢民疾苦他不准言縣倉三十六所會存繳虧項錢  
萬餘爲購田收息設局於城一年一鄉一人會同經  
紀迺發給 聖諭廣訓令各保正朔望宣講以爲愚  
民素不通曉至罹於法乃悟隨以咸豐三年正月去

恒泰

咸豐五年署

恒泰號季安滿洲正白旗拔貢朝考一等知縣前後  
三署仁壽清勤自矢每一案到必訊精明且細惟恐  
不盡民之情民以是無冤一案便結從不拖累民嘗  
曰仁壽繁難其盡一日力視一日事猶恐不到民以  
是去益思

仁壽縣志

卷十四

歷官志

三

國英

號子俊蒙古鑲白旗人廩生報捐知縣咸豐四年署

辜炳恒序咸豐乙卯三月初縣令國英捉賊於張家  
橋殲其渠魁地方靖焉紀之詩有蠢蠢者犢初生不  
畏虎有狺狺者犬狂瘦將噬主莫或撻其鋒公然如  
羆豸有如扼其吭不難就鈇斧卵破巢且傾一朝瘡  
潰腐操縱者何人偉哉神君武昔者張家橋無賴起  
爲蠱胙篋行旅間嘯聚盈盜藪始猶鼠潛牙繼竟螳



撐股有猾利其餘唾涎羨網罟捧檄捕之忙威張或  
膠柱頗聞賊且驚齷齷牙舌吐抵死故負隅惴惴畏  
我虜誰知捕者庸束手不能拊又復縮首去養之草  
與莽典守無如何甘心自取侮延蔓禍以胎貽癰於  
肺腑賊乃肆其狂深目雙雙努譬如犢與犬鼻項無  
牽縷擺尾而搖頭出束恣芻脯乃日坐街頭叫嗥呼  
黨羽乃蟻逐腥羶壑觸成伍伍蚊聚可雷鳴花腳飛  
栩栩蜂蠆亦尾長毒人辛螫苦蠢茲肆無憚臬渠羨  
水滸布散又流言江湖動鼙鼓何哉一賊魁羣焉爲

所部曰我挪肥豬豈但十得五蚩蚩鄉之氓驚惶不  
團聚咄怪一孝廉倡先遠築塢時務不之識徒駭我  
愚魯去臘廿之七市中日正午狂呼賊劫場老幼奔  
竄俯闐然一市空子不能顧父鶴唳雜風聲人心其  
不古壯哉老鄉民小呼戇叛叛受害奔鳴官危乎其  
危甫今年春正新賊飽酣歌舞遊戲作小偷穴牆連  
比戶恣劫彼尼僧禪房列干櫓天明笑語歸傾囊擲  
骰睹中有強梁兒膂力能張弩腰橫一寶刀行人側  
目覩爾狼旣生羆爾羆爲狼輔胆大稱山王帽頂何



足數禍心不可知搖動譟大府天不容汝曹飛來子  
俊父訪知賊蹤深宜勦不宜撫急之變且生緩之愈  
跋扈佯爲不理之遊之寬大宇陰實部分團整頓繫  
頸組賊也狃爲常嘻嘻復煦煦惡積貫以盈鬼雄逐  
鬼豎少焉烏獸散侯其赫斯怒辰月日丙辰指揮憑  
一塵夜半兵符下雨路分抄取大礮空中轟克之以  
一鼓賊死尙不知倉皇身首剖入穴子就擒駢死囚  
之篋明日侯親來前驅嚴簿鹵繞繞鑲白旗軍容爲  
欲舞百姓千萬人環觀者如堵烈炬火其廬芟夷躲

仁壽縣志

卷十四

歷官志

卑

在圃胆落賊魂飛馬前香一炷祝侯德威加霹靂同  
甘雨一劑雷火鍼疥癬立即愈從此行歌途居者安  
故土及時耕以桑豐年三四鬴嗟哉蔓方圖萌芽阿  
誰樹我侯不張聲或是漢虞詡盜平侯安之王事方  
靡鹽回思捉賊時鼎力誰支拄善政不可忘去思懷  
芳杜我作此歌行可以存治譜

恒泰

咸豐五年署

胡汝開

號淪泉廣東順德監生報捐知縣咸豐五年署

莊定安

號

咸江蘇元和監生報捐知縣咸豐六年署

咸豐七年大荒窮民起食大戶縣令莊定安諭令保



甲捐貲賑濟無多損於富戶大有益於貧民嘗一四

月巡行鄉村幾遍

李汝湘 號部洲浙江山陰監生報捐末 張爾周 號小莊甘肅鎮

番進士咸豐八年任

縣命案繁多貽累地主比鄰又大山大水之間盜夥

藏納則緝捕花費方多廳汎兩官或開門受訟咸豐

八年縣令張爾周與命盜廳汎三費之局民甚便之

韋以信 號吉菴雲南昆明舉人 胡圻 號若川浙江會稽監生報捐知州咸

豐十一年署 羅廷權 號鑑平雲南昆明舉人大挑知縣欽加同知銜同治二年署

仁壽縣志 卷十四 歷官志 望

羅廷權任二載餘潔清不差喚買田地籤慎於刑勤

於公事民有訟速訊速結至晨夜鳴金呼案城頭務

令訟明早歸適已尤便民酌倣射洪章程胥役不爲

需索嚴究軍功頂帶團保無所驕橫平允捐輸銀錢

閭閻莫復騷動重修聖廟武廟奎閣志書整飭公局

時趙堡琛司刑席幕中堡琛號楚鄉仁而持重一切

便民之處多所贊襄隨羅君調成都偕去縣人思羅

君且感喟楚鄉不置云 凡若供羅鑑平明府薪米序同治二年癸亥秋七月

欽加同知銜羅鑑平先生知仁壽縣事賢哉明府

下靈禽枳棘之中別利器錯盤之會越明年弊剔缺



修翕然稱治不齊之爲單父有此鳴琴言偃之宰武  
城遂其學道又明年縣人始命爲文序之禮也明府  
名廷權雲南昆明人由舉人大挑一等知縣分發山  
東既改指四川歷署新津內江榮縣廣元等處表表  
滇南人物依依蜀西江山戾止鳧鳥之飛慣試牛刀  
之割聽之所在有聲亦既稱親民之官曰父母出循  
吏之表爲神明已仁壽地方遼濶又經多難之後積  
弊之餘明府書生面目菩薩心腸初蒞任曰此之作  
縣則繁難矣於是行以偃草之風流以膏苗之雨無  
爲煩苛與之休息然後庭有草生縣有花開條其政  
最厥有本末者也往者好官不過多得錢耳未有一  
分之賜且恣百計之求明府潔忘所貪廉養於儉最  
著買賣不籤賄賂不行偶一行省鄉村不費民間一  
錢想見琴鶴隨影釜魚來塵冷隋之梅夢正香清冷  
之水飲有味又不止張羅之法罷苛派之門塞也直  
將選無劉寵之錢掛到王勳之帶嗚呼何其清也或  
謂官不愛錢則民皆取訟是則然矣亦有升木教獠  
穿墉謂鼠仁壽素多積案明府既決千餘由是案牘

仁壽縣志

卷十四

歷官志

聖

以稀隨告隨審隨結嘗一日盡數十案堂皇坐忘餐  
者有生員到公門則遣之去且學歐陽之駁正舊案  
郎茂之立鞫繫囚或楊簡之悟少年亦夏侯之多暇  
日嗚呼何其勤也又若刑名之家何與循良聽斷之  
旁不無捶楚猶之乎福星未來甘棠鮮沛者也明府  
不枉一法不酷一刑每有辭窮而服淚下而免者自  
有懸鏡無用辱鞭何哉弄法之徒只此字人之術甯  
不刑則有五宥之惟三又幾幾讀傳以訓過民授經  
而教孝子扇之乎仁風驅之乎壽域矣嗚呼又何慎  
也然而官衙不肅則擾亂者且多明府一靜制動孤  
介寡諧官閣則清如水賓廚而冷不煙現在酌仿射  
洪章程又增三費章程莫爲需索胥役安其犬馬有  
所矜卹牧芻爲爾牛羊此則豺狼無妨當道而鳥雀  
有由下庭也然而公局不振則廢弛者又甚明府廉  
得與情視如家事亦謂當局不可無人在公其何能  
役於是倉學三費津貼捐輸諸務整飭有加剗彼宿  
蠹之根補其亡羊之處用必恭乎桑梓敢分潤乎脂  
膏始無有乎問錢穀不知者矣先是咸豐七年荒創



賑濟法士停鄉薦又歷有年至是荒賑如初鄉試中式文武五人渤海之便宜行事雲漢之壽考作人若夫亂後剪除團保軍功壞習修葺聖廟武廟奎閣志書皆民望也不知明府子慈之勞校教之力至已然則循聲頓起高秩方騫甯止百里再借一年凡若今亦托庇之氓昔有同挑之誼何論三岫向化萬姓銘恩者哉時乃四年乙丑二月相為春介之歡永言冬愛之慕駢體則敷揚史筆重於邛山雀躍而拜倒公堂申茲葵藿於是譁然齊聲頌曰我侯之戾止兮乃坐於堂我民其休息兮各復其鄉一錢不肯要兮催科甯忙一案不復留兮折獄惟良一刑不濫施兮撫字如傷昔之來何暮兮雲霓以望後之去令思兮棠芾其忘內而清官衙兮各守典常外而飭公局兮相維地方既賣而刀劍兮修而宮牆亦活而餓莩兮助而賓王宜絃歌之聲溢兮報最當

漢琮號鉅卿江蘇溧水附貢生議敘

仁壽縣志

卷十四

歷官志



歷官志

國朝教官

順治九年議准生員有敦本尚實行誼表著者提調官細加體察取具本學師生及本族鄰里甘結申送提調覆實卽加獎賞以勵頹俗若有平日不務學業囑託把持武斷包攬或捏造歌謠興滅詞訟及敗倫傷化過惡彰聞者體訪得實不必品其文藝卽行革黜行優者不許通同賄冒行劣者不許徇情姑息並不許輕信開送致被挾私中傷違者從重叅處

仁壽縣志

卷十四

歷官志

四

順治十二年奉

上諭各學生員令提學御史提學道嚴飭府州縣衛各學教官月加課程不得曠廢亦不得假借督課陵虐諸生雍正元年議准學宮之內廣置齋舍多設廩膳凡屬生員苟能勤加課藝互相砥礪則親師取友裨益良多若終年不至學宮其與教官相往來者不過修歲時餽贈之儀無關於講習討論之事欲求積學之士豈可多得應令直省學臣通飭府州縣衛教授學正教諭訓導務立課程面加考試如果有遊學遠館隨任等情教官亦



不得借此苛求以滋煩擾至於新進生員尤爲進身之初豈可使身無檢束聽其遊蕩應照國子監坐監之例令其在學肄業俟下案新生至學爲滿或有親老家貧勢不能在學肄業者亦必分題考校每月定期使無曠業倘有董率不嚴怠於考課者學臣於歲科考時卽以文章之優劣定教職之賢否

雍正五年議准嗣後令教官按月課四季季考生員除丁憂患病遊學有事故外照定例嚴加考試如有託故不到者卽嚴加懲治三次不到者詳革如該教官內

仁壽縣志

卷十四

歷官志

畧

果能實心訓迪化道有方學臣照例舉薦若因循苟且視爲具文者卽行題叅革退  
雍正七年議准各學教官每當月課季考之次日將大清律開載刑名錢穀關係緊要者詳爲講解使之熟習淹貫預識政治之要

聖祖仁皇帝訓飭士子文及卧碑所載各條令諸生敬聽仍照定例於四書文之外或試以策或試以論該教官衡定等第出榜曉諭卽將試卷申送學臣查覈又議准



每月照例面課四書文外卽於赴課時將士子專經令其分冊誦習綱目必分年詳解面加諄勸務期實力講貫或間月或每季試以本經疑義及史策并二場表判乾隆二十四年議准舊例捐納貢監統歸地方官管轄嗣經議准令督撫學臣轉飭州縣會同教官將所屬貢監照依生員之例一體歸學舉報優劣嚴加約束但教官職司課訓勢不能董率若輩嗣後捐納貢監應俱責成州縣官約束稽察並將州縣官造冊送學之處停止該貢監如犯細事應戒飭者仍會同教官面行扑責其

仁壽縣志

卷十四

歷官志

吳

餘事件教官不得干預

二十五年議准教官於月課時一體限韻課詩舊制武生無武學處照例屬文學教官管理除騎射外教以五經七書百將傳及孝經四書俾知大義提調仍將各學射圃修輯置備弓矢教官率武生較射其中以飭武備二十八年議准兵丁取進武生既有營務差操應不必限定月課程期令其於操防下班之時自行赴學課試

教諭

丁時英

榮縣舉人康熙三十三年任

戴琦

遵義拔貢康熙四十六年任

聶天壽

馬湖



恩貢康熙五十七年任 **李若沆** 洪雅舉人雍正三年任 **甘明夔** 鄰水舉人雍正五年任 **郭士琦** 建始歲貢雍正十年任 **湯輝道** 涪州副榜乾隆十年任

舊志湯輝道字閔中號聞翁司縣鐸以敦行重倫為教誘諸生為文悉有法片語中窾曲使人怡然以解見學宮碎瓦頽垣崩梁斷磔蕪砌苔廊不勝汗然舊制面對高山背倚懸壁周觀辛戌部上山屏橫勒書童側立席帽翩連貴人特出左鐘右釜九曲朝入午坐天馬辛伏倒笏以謂鍾靈山川鬱鬱五百餘歲於是慨然建修仍其地改丁向辛一切如制實節首蔭

仁壽縣志 卷十四 歷官志 七

之餘為倡更左創院與諸生月課文會為縣文翁

左之輔 蒲江拔貢乾隆十三年任 **蒲心謙** 蓬溪歲貢乾隆二十五年任 **趙繼德** 新都舉人乾隆三十二年任

**劉中孚** 閬中舉人乾隆三十九年任 **李繩武** 巴縣廩貢乾隆四十年任

八年 **馮文郁** 西昌舉人乾隆四十九年任 **嚴學堯** 簡州副榜乾隆五十四年任 **陳**

本謨 壁山歲貢嘉慶十一年署 **夏明** 涪州副榜嘉慶十一年任 **姚紹華** 雅安舉人嘉慶十三年

署 **羅文啟** 射洪副榜嘉慶十四年任 **劉果茂** 渠縣歲貢嘉慶十四年署 **周際同** 銅梁舉人嘉慶十五年任

**趙由忠** 廣元拔貢嘉慶十五年署 **侯觀** 營山副榜嘉慶十六年任

新志侯觀司邑鐸縣文昌宮無垣且就圯捐俸助修旁廡前閣都為一新



鄭華春 汶川廩生嘉慶  
馮奉元 新都拔貢嘉慶  
冉思儒

江津副榜道 張志嚴 崇慶州副榜  
余輝 長甯拔貢道  
袁

洪彩 捷為廩生道 傅卓儒 威遠副榜道  
曹正中 鹽亭舉

十五年任 陳開基 道光二十  
彭廷颺 道光二十  
文蔚 道光三

楊希淦 號荷溪蓬溪舉 傅卓儒 同治三  
張峻 同治三  
劉

啟訓 同治四 王德宣 同治四年

訓導

錢運琦 通江歲貢康熙 趙世臣 珙縣歲貢康熙 李又白

石泉歲貢康熙 謝宗儒 華陽歲貢雍正 李芳 隆昌歲貢雍正

仁壽縣志 卷十四 歷官志 吳

覃安社 璧山歲貢乾 趙思泉 三臺舉人乾隆 蒲冕 松潘

乾隆四 趙思善 三臺舉人乾 張清產 茂州廩貢乾隆 郭

其釗 隆昌廩貢乾 鄭人康 廣安州副榜乾 姚柱 巴縣

乾隆五 韓際昌 岳池歲貢嘉 劉文煥 江油歲貢嘉 尹

九 南溪歲貢嘉 侯鵠 南充歲貢嘉 陳啟泰 松潘廩貢嘉

劉維旄 安岳舉人嘉 馮灼文 慶符拔貢嘉 賈廷謨 南充

嘉慶十 彭松年 涪州舉人道 趙國寅 新都舉人道 許光

八年任 奎 杜思柔 道光二十 齊家彥 酉陽歲貢道光 王

之傑 道光三 高瀛 新繁舉人道 王爰相 咸豐十 林嘉會



峩眉歲貢同  
官紀龍  
成都優貢同  
治二年署  
治二年任

仁壽縣志

卷十四

歷官志

吳



歷官志

典史

章棐 大興吏員康熙五年任 張巍 涇陽吏員康熙十九年任 黎民望 懷甯吏員康熙二十年任

五年任 崔玉封 嘉興儒士康熙任 陳志 武清吏員康熙任 高文 山陰吏員未入

朝白水吏員康熙任 孫益光 宛平供事康熙五十九年任 喻景文 山陰吏員未入

流雍正任 胡天任 大興供事未入 方喜 清宛吏員未入 柳廷獻 宛平未入 周元通 上元供事未入 何世 乾隆二十八年任

宗平江吏員從九品 程綿世 襄陽未入 張永清 漢陽 乾隆二十年署 劉璜 大興捐吏目乾隆三十年任 朱世爵 宛平供事未入 隆三十年署

仁壽縣志 卷十四 歷官志 十四年署 喻夢琨 南昌供事未入 凌學賢 上游捐未入 隆四十二年任

任 顏秉忠 永春捐從九品乾隆四十五年署 劉世福 大興捐從九品乾隆四十六年署

任 惟嶽 宛平供事未入 劉正燦 廬陵捐從九品乾隆四十七年署 董 浦大興捐未入 流乾 褚泉 貴池供事未入 彭楷 廬陵捐從 隆四十八年署

九品乾隆五 黃新煥 江陵捐從九品乾隆五十二年署 黃顯 新城捐未 隆五十八年署

五十七年署 劉世清 章邱捐吏目乾隆五十八年署 孫璋 青陽供事未入 張 心存 嘉慶二年署 吳廷葵 宛平捐從九品 李仙林 會 捐從九品嘉 翟鍾 涇縣捐從九品嘉慶十二年署 方璋 清宛吏員從九 慶四年署

署 李棟 宛平供事未入 流 沈濤 涇縣監生嘉慶十四年署 閔景瀾 烏 嘉慶十五年任

嘉慶十五年任 沈濤 涇縣監生嘉慶十四年署 閔景瀾 烏 嘉慶十五年任

嘉慶十五年任 沈濤 涇縣監生嘉慶十四年署 閔景瀾 烏 嘉慶十五年任

嘉慶十五年任 沈濤 涇縣監生嘉慶十四年署 閔景瀾 烏 嘉慶十五年任

嘉慶十五年任 沈濤 涇縣監生嘉慶十四年署 閔景瀾 烏 嘉慶十五年任

嘉慶十五年任 沈濤 涇縣監生嘉慶十四年署 閔景瀾 烏 嘉慶十五年任



從九嘉慶 易承恒 湘鄉從九嘉慶 莊雲翹 元和從九道

二十年署 又署錢式金 長興監生道 張為埏 華陰監生道 劉南暉

六年署 鄞縣從九道 李之銓 吳縣監生道 倪誠 清宛吏員道 邱

光六年署 勳大興監生道 吳立勳 江陰從九道 沈慶安 海甯監生

年署 署林筠生 南海監生道 徐照 道光二十年署 葉升庭 道光二

任 黃叔望 道光三年署 房聚瀛 咸豐元年 魯學浩 咸豐五年 盛恩

澤 咸豐五年 沈鴻基 咸豐七年 房聚瀛 咸豐七年 劉廷翰 咸豐

署 馬楚材 咸豐十年署 江城 咸豐十一年派委 同治元年六月初七日奉

仁壽縣志 卷十四 歷官志 至

上諭駱秉章奏請將勦賊遇害各員優卹建祠一摺上年

秋間李逆竄擾仁壽縣境未入流馬楚材江城派委幫

辦該縣團練遇賊接仗擊退復督團跟追詎援賊大至

眾寡不敵以致力竭陣亡馬楚材之子六品軍功馬德

馨隨同勦擊亦被戕害均堪憫惻馬楚材江城馬德馨

均着交部從優議卹並准於殉難地方建立專祠馬楚

材之子馬德馨着一併附祀以彰忠烈欽此

葉湘南記滇匪李永和盤踞青眉其勢西連邛雅南

接嘉犍北抵綿梓蔓延數千里仁壽相距匪遙擊柝



相聞烽煙入望江公建屏督保甲選丁分棚教習礮聲轟然八月上旬賊分大股竄入縣治連營三岫收糧江公飛調各場團協勦戰數日焚其營壘俘其梟將奪其印冊賊大挫嗣乃青神被圍鐵山受勦其樞紐在於仁壽一戰仁壽有戰倡於安下一鄉皆公辦團力比賊旋來倉卒失防遇害安鄉士民皆流涕歲時伏臘舉酒奠云

周文耀

咸豐十一年署

朱紹昉

咸豐十一年署

黃叔望

同治元年署

章耀曾

同治二年署

王謨

同治三年署

劉舜欽

號小蘭鈞貽子同治四年署

仁壽縣志

卷十四

歷官志

至



歷官志

汎弁

張天成 雍正八年 章鏞 乾隆八年 田種玉 十八年 任天貴 二十二年

王國柱 二十九年 楊國珍 十六年 劉應福 十二年 羅廷棟 成都行伍

宋宗泗 成都行伍 高文貴 成都行伍 張英 成都行伍 王剛

國臣 成都行伍 王瑞雄 成都行伍 宋占魁 崇甯行

馬騰蛟 嘉慶八年 冶文彩 嘉慶九年 方維新 嘉慶十八年

權正邦 嘉慶二十年 楊占魁 嘉慶二十三年 陳占魁 嘉慶二十三年

仁壽縣志 卷十四 歷官志 三

陳福 道光元年 程魁 道光七年 杜三元 道光八年

王澤倫 道光六年 胡尚炳 道光八年 周書 道光八年 王

國棟 撫邊營把總 黃忠 道光十二年 瞿建勛 道光十三年

程魁 道光十四年 王國棟 道光十四年 游光雲 新都世襲

曾從彪 三臺武舉 沈中和 道光十九年 張宣

覺慶雲 道光二十年 葉廷楨 道光二十一年 譚延譜

向成會 道光二十四年 黃佶 道光二十四年 馬鵬程

唐見龍 道光二十六年 黃佶 道光二十七年 李金元 道光

嚴德高 道光二十八年 何國成 道光二十八年 黃



借道光三十年四月  
彭升 道光三十年五月到汎  
邵成功 咸豐元年到汎

維蕃 咸豐二年到汎  
王金 咸豐三年到汎  
章廷斌 咸豐四年到汎  
鄭玉明 咸豐四年

冬到 王建照 咸豐五年到汎  
李成霖 咸豐六年到汎  
江炳文 咸豐七年到汎

玉明 咸豐九年到汎  
王建照 咸豐十年到汎  
吳定邦 咸豐十一年到汎  
胡

安邦 同治二年到汎  
李鳴鐘 同治二年到汎  
周朝綱 同治四年到汎

黃龍溪汎弁

尹洪凱 陳彥彪 吳正川 楊得祿 雷清 李成德 張建勳 張

福奇 馬應祿 廖三 銓 馬慶福 雷錦標

仁壽縣志

卷十四

歷官志

五

卷十四終